

**Uvodno obraćanje predsjedatelja Zajedničkog povjerenstva za odbranu i sigurnost Sifeta Podžića na Godišnjoj preglednoj konferenciji o temi: „Aktualno stanje u sektoru obrane i sigurnosti Bosne i Hercegovine“**

**Sarajevo, 23. studeni 2016.**

Dame i gospodo,

Pozdravljam vas u ime Zajedničke komisije za odbranu i sigurnost BiH i u svoje osobno ime.

Otvaram Godišnju preglednu konferenciju o temi: „**Aktuelno stanje u sektoru odbrane i sigurnosti Bosne i Hercegovine**“,

Posebno pozdravljam:

- članove Zajedničke komisije za odbranu i sigurnost BiH i parlamentarnog vojnog povjerenika BiH,
- samostalnog izvršioca za pitanja odbrane i civilne komande nad Oružanim snagama BiH iz Predsjedništva BiH, Ranka Ninkovića
- predstavnike MINISTARSTVA ODBRANE BiH na čelu sa ministricom Marinom Pendeš,
- predstavnike Zajedničkog štaba, Operativne komande, Komande za podršku, komandante brigada OS BiH na čelu sa general-pukovnikom Antom Jelečom,
- predstavnike MINISTARSTVA SIGURNOSTI BiH na čelu sa ministrom Draganom Mektićem

- predstavnike Direkcije za koordinaciju policijskih tijela BiH na čelu sa direktorom Mirsadom Vilićem
- predstavnike SIPA na čelu sa zamjenikom direktora Đurom Kneževićem,
- predstavnike GRANIČNE POLICIJE BIH na čelu sa direktorom Zoranom Galićem,
- predstavnike SLUŽBE ZA POSLOVE SA STRANCIMA BIH na čelu sa direktorom slobodanom Ujićem Izetom
- predstavnike Agencije za policijsku podršku na čelu sa direktorom Huseinom Nanićem
- predstavnike Agencija za forenzička ispitivanja i vještačenja na čelu sa direktoricom Ljiljanom Trišić,
- predstavnike Agencija za školovanje i stručno usavršavanje na čelu sa direktorom Brankom Vukojom,
- predstavnike MINISTARSTVA VANJSKE TRGOVINE I EKONOMSKIH ODNOSA BIH
- predstavnike Komisije za deminiranje VM BiH na čelu sa Mladenom Mrkajom, predsjednikom Komisije
- predstavnike BH MAK-a na čelu sa v.d. direktorom Sašom Obradovićem,
- predstavnike Državne regulatorne agencije za radijacijsku i nuklearnu sigurnost na čelu sa direktorom Emirom Dizdarevićem,
- Predstavnike Komisije za sigurnost Predstavničkog doma Parlamenta Federacije BiH Mithatom Karovićem ,

- predstavnike Komisije za sigurnost Doma naroda Parlamenta Federacije BiH
- predstavnike Komisije za bezbjednost Narodne skupštine Republike Srpske na čelu sa Milankom Mihajlicom,
- predstavnike Misije OSCE u BiH na čelu sa šefom Misije gospodinom Jonathan Moor-om i John Martinom -direktorom Odjela za sigurnosnu saradnju,
- predstavnike EUFOR Komande na čelu sa generalom Zoltán Mihóczy ,
- predstavnike NATO Komande u Sarajevu na čelu sa brig. generalom. Giselle Wilz
- predstavnike UNDP- Ured u Sarajevu sa Slobodanom Tadićem
- predstavnike DCAF Ženeva na čelu sa Darkom Stančićem
- predstavnike nevladinog sektora na čelu sa Denisom Hadžovićem,
- predstavnike medija

Ovim putem se posebno zahvaljujem Ženevskom centru za kontrolu oružanih snaga DCAF i NATO Štabu u Sarajevu koji su podržali održavanje naše Konferencije.

Zajednička komisija za odbranu i sigurnost BiH je, nakon konstituisanja u ovom sazivu, početkom juna 2015. godine, na Jahorini održala radionicu sa predstavnicima sektora odbrane i sigurnosti BiH.

Tom prilikom su predstavnici sektora odbrane, Zajedničkog štaba OS BiH, predstavnici policijskih agencija iz sastava Ministarstva sigurnosti i

predstavnicima Ministarstva sigurnosti te predstavnicima drugih agencija i ministarstava, koje nadzire Zajednička komisija, iznijeli aktuelno stanje, probleme sa kojima se susreću u radu i prijedloge kako dalje.

Svi zajedno, članovi Zajedničke komisije i učesnici radionice, doprinijeli smo u kreiranju zaključaka, koje je Zajednička komisija usvojila na svojoj 8. sjednici održanoj 25.8.2015. godine.

Nakon toga oba doma PSBiH, Predstavnički dom na svojoj 17. sjednici održanoj 17. septembra 2015., a Dom naroda na 9. sjednici održanoj 17. septembra 2015. su potvrdili zaključke Zajedničke komisije što ih je svakako osnažilo.

Usvojeni zaključci sa radionice, održane na Jahorini, su i okvir za naše aktivnosti u ovom mandatu. Zaključcima oba doma se moramo vraćati kroz cijeli ovaj mandat.

To je svakako jedinstven primjer u regionu da su jedno parlamentarno tijelo i institucije na takav način pristupili izvršenju obaveza.

Ponavljam, da su zaključci oba doma naši zajednički i da smo mi partneri i subjekti u njihovoj realizaciji.

Nakon juna 2015. godine, članovi Zajedničke komisije su krenuli u obilazak jedinica i komandi OS BiH te policijskih agencija i ministarstava. Pokazalo se da je to nezamjenjiv način sticanja uvida u pravo stanje. Mogu reći da smo bili zadovoljni viđenim i da smo u svim nadziranim institucijama sreli profesionalce koji nastoje da njihove institucije rade odgovorno posao.

Svakako, uočili smo i brojne probleme. Nije dobro što se ponavljaju i što se neki od njih ne rješavaju.

Sa posebnim zadovoljstvom mogu konstatovati da su neke policijske agencije u sektoru sigurnosti učinile daleko više nego što smo mi znali. Tu prije svega mislim na Agenciju za školovanje i stručno usavršavanje u Mostaru. Impresionira njihova želja za obezbjeđenjem savremenih uslova za rad i infrastrukture koja treba biti motiv za sve one koji šalju svoje pripadnike na školovanje i usavršavanje.

U sektoru sigurnosti je djelimično je poboljšan nivo koordinacije među policijskim agencijama. Ministar Mektić je pokazao da želi sarađivati i uključiti se u otklanjanje aktuelnih problema. Unaprijedili smo našu komunikaciju.

Učinjen je vidan korak i u izradi strateških dokumenata kao što su strategija za borbu protiv terorizma i startegija za SALW. Ostaje nam pitanje dorade dokumenta Sigurnosna politika BiH o čemu smo govorili u nekoliko navrata te je potrebno napraviti dodatne napore na koordinaciji rada Sektora za zaštitu i spašavanje i entitetskih uprava civilnih zaštita i Brčko distrikta.

Tokom naših posjeta smo uočili da su policajci nezadovoljni platama i naknadama. Odlaze nam dobro obučeni kadrovi i moramo naći načina da taj trend zaustavimo.

Nedostaju i drugi profili stručnjaka u pojedinim agencijama i trebamo se svi angažovati da im pomognemo, posebno Agenciji za forenzička istraživanja i vještačenja jer tamo se imalo šta vidjeti.

Kada je u pitanju Državna regulatorna agencija za nuklearnu sigurnost mogu reći da smo imali priliku razgovarati sa mladim i ambicioznim menadžmentom i stručnjacima koji dobro rade svoj posao.

Ostaje nam da početkom 2017. godine posjetimo BHMAK te da pomognemo tom veoma značajnom centru. Oni rade značajan i težak

posao. Bili smo u prilici da sa dijelom menadžmenta razgovarmo na godišnjoj analizi procesa deminiranja u OS BiH. U kontaktu smo i novoimenovana Komisija za deminiranje je vrlo ozbiljno pristupila aktivnostima. Vjerujemo da će doći do željenim rezultata.

Jako puno vremena smo proveli u sektoru odbrane. Obišli smo četiri brigade, jedan broj komandi i jedinica. Razgovarali smo i sa menadžmentom MO BiH u nekoliko navrata.

U sektoru odbrane smo se fokusirali na pomoć menadžmentu u unapređenju stanja po pitanju javnih nabavki. MO BiH je dostavilo Zajedničkoj komisiji akcioni plan po kome rade na rješavanju problema po pitanju nabavki.

Ne želim više nikoga uvjeravati da smo imali i da imamo dobru namjeru da pomognemo MO BiH i OS BiH. Biću vrlo otvoren. Ta naša namjera je kod pojedinaca nepopoularno prihvaćena. Smatra se da mi nekog želimo rušiti i da nekome želimo pokazati da ne radi svoj posao u mjeri kako bi to trebalo.

Mi možemo i bez zaključaka i bez preporuka vršiti parlamentarni nadzor. Sve što smo napisali u našim izvještajima smo legalno i transparento saznali tokom sastanaka i obilazaka jedinica i komandi. Imamo brifinge komandanata i išli smo sa dobrom namjerom. Mi se nikome nećemo „ni tovariti na vrat“ kako pojedinci komentiraju naše radne posjete niti imamo namjeru da radimo bilo šta što nije u našoj misiji. Međutim, trebamo svi ovdje znati da nećemo posustati i da ćemo vam nastaviti pomagati, a neka svako na svoj način tumači i naše dolaske u jedinice i komande i naše zaključke.

Činjenica da je ove godine parlamentarni vojni povjernik obišao preko 20 lokacija govori da smo mi dobro informisani i da bi bilo dobro da se

ponekad nađemo u nekoj brigadi zajedno sa menadžmentom MO BiH sa pomoćnicima ministrice i sa komandantima koji kada je u pitanju snadbjevanje mogu samo planirati, a sve drugo je na menadžmentu i sektoru logistike.

Nismo slijepi. Vidimo mi dobro i pomake koji su napravljeni. Mirovne misije i brojne aktivnosti unutar OS BiH idu dobro. Trebamo se diviti pojedincima koji su sudjelovali na vojnoj vježbi na Manjači. Bio sam jako ponosan na sve naše vojnike. Nadamo se da će skoro biti remontovani helikopteri, da ćemo imati usvojen izgled radne uniforme, da ćemo početi nabavljati namjenska vozila, da ćemo usvojiti usaglašen „Pregled odbrane“ te da ćemo biti ponosni na izgled naših vojnika u novim uniformama. Realizacija programa EXPLODE je za svaku pohvalu i to bi trebao biti model u implementaciji projekata MO BiH.

Nadam se da nisam previše optimističan. Sve što sam pobrojao je realno. Isto tako, je realnost činjenica da je ZK za odbranu i sigurnost od ukupno 18 zakona koje je usvojila PS BiH u 2016. godini razmatrala i usvojila 6 zakona iz njene nadležnosti što je jedna trećina od ukupno usvojenih zakona u PS BiH u 2016.

Pozivam sve učesnike pregledne konferencije da budu otvoreni u raspravi, da konkretno predlažu zaključke i rješenja.

Isto tako, pozivam vas na dijalog u vrijeme kada bude predviđena rasprava.

Riječ dajem gospođi Borjani Krišto, zamjenici predsjedavajućeg koja će moderirati Prvim panelom.

Gospođo Borjana izvolite."